

西豐縣志

第一冊

西豐縣志序

戊寅夏余主省政三年矣適西豐縣志成曹縣長肇元請序於予曰我新邦肇建首重文獻而潤色鴻業精不厭詳苟無縣志之輯將何以考制度稽典章察民物觀風俗乎是志辛未春經馮前縣長廣民因原有稿本着手編纂粗具規模未及歲事迨黃前縣長蒞任於客冬重加編修亦未竣而遷稽肇元繼任賡續迄今始獲觀成請錫序文以示勉予曰縣志之爲書實國家文獻之所寄也秉筆者當據事直書信以傳信叙述又當有系統有條理凡一縣之山川田賦交通產物風俗文化人望等均宜一一瞭如指掌其紀事之詳畧述言之誠僞體制之乖合文詞之優劣關係地方掌

故至重且鉅縣長爲民之父母如於縣之事故沿革無籍可稽其
何以洞察治理因仍損益耶今是志之成紀述翔實典贍美備其
有裨於縣治足徵文獻概可知矣行將付梓因循其請而爲之序
康德五年戊寅夏五月

奉天省長 葆 康

西豐縣志

文然可敬

年久以出
山田法
文然



西豐縣志序

古者史掌於王官司其事者多世其守自鄭書晉乘魯史秦記而國各有史遂爲地方史之濫觴然如南董左氏之流固猶出於一家之說史之疆圻未甚分也自茲厥後世故繁興一家之說不足以周盡事物之情於是作者並起分途揚鑠譬如草木區以別矣前人有謂論一時之事紀傳不如編年論一人之事編年不如紀傳而吾則謂記一方之事者正史不如輿志斯蓋時會之所使然抑亦人文嬗進之明徵也歟古地方志之存於今者當以唐之元和郡縣志爲最古而宋之太平寰宇記次之明清以還各省有通志而縣志實爲之基修國史者必考之省縣志所以昭翔實信今

而行遠也西豐之爲縣闢建雖晚而設治固有年矣以所聞舊志有藁本未得寓於目其善焉與否無所據以爲斷要之其爲未成之書則無疑也自歷任縣長馮君廣民子安創議修之黃君式叙黎雍踵而爲之皆在未及梓而受代曹君肇元鼓晨以客歲由省遷宰斯邑惜前志之未伸恐舊事之遂湮也因復委人編纂釐訂凡六閱月而殺青有日問序於予予也公務鞅掌於史人非專門之學豈敢以當皇甫之任哉抑所知者志固史之流而其難爲也乃倍於史史以備一代之大典其事蹟皆甚彰著又多所依據志書之作地不出於方域之內而體例兼乎衆史之長凡故老遺聞土俗方物皆在採訪其商榷去取之間自非明於世故達於治體

者弗能爲也曹君於省爲能吏於縣爲賢宰吾知其於是書也必
審覈考較盡求其適以冥合馮黃二君之志於以見成之難而傳
之久也蓋可知矣其有裨於國家之治理又豈僅拾前人之餘緒
發思古之幽情而已哉爰爲之序

康德戊寅初夏

奉天省民生廳長王允卿識

述言紀事信而有徵
蔚然巨帙文獻永存

曹承宗

序

歲序遞嬗而天地之萬物依時以成世事變遷而國家之政治亦隨時以進前乎因者後乎繼精於始者善於終故必通權達變因時制宜方能建其奇功收其成效若故步自封仍守舊轍非惟與國體政體之鼎新有所刺謬且恐於地方行政或者當因或者當革必不能適當圓滑攸往咸宜足以顯當時而貽後世是故商因於夏周因於商遞次相觀後先相較記言記事各設專官其於因革損益斟酌盡善以著成一代之信史而有縣者亦何莫不然乎此縣志之修所以不容緩也西豐縣志於民國時代經蕭縣長德潤創修於前馮縣長廣民潤色於後煌煌鉅製燦爛可觀固已規

模宏遠綱舉目張矣但以滿洲肇造王道大興政體與治功已前
後迥不相同苟不及時編修求其適用必不免有削足就履之虞
果何以資考鏡以示將來耶予於康德四年冬奉 省檄來宰西
豐與副縣長田邊登公公餘之暇檢閱前卷始悉前縣長黃公黎
雍與梁田參事官招集地方士紳與各科科長等協議詢謀僉同
遂於客歲初冬延聘瀋陽名宿希君全刪主任編修並任周君雨
亭贊襄其事因先前之原稿參此日之新知踵事增華彙成鉅製
裝璜卷軸以推行於當時不意修未及半而黃縣長即移篆遼陽
厥後參事官亦調任富錦格於時勢未得遙觀厥成殊爲可憾所
幸今年五月已竣其功舉凡政治之因革人事之代謝或沿其舊

或增其新罔弗各適其宜隨時釐定若夫物產之豐嗇風俗之厚薄人文之盛衰教育之良窳一展卷間皆縷析條分是非剖判即行之當時垂之後世亦必文獻足徵得失可據而爲一縣之實錄而無疑矣然則此志之功豈淺鮮哉茲者行將付梓丐序於予予不敏僅就管窺所見約畧言之蓋以縣志一書雖不與國史相同然而繼往開來守先待後其意一也嗟乎天時人事無百年不變之局土俗民情無終古不易之理後之視今亦猶今之視昔所賴大雅君子賡續以爲之庶此志之功垂於不朽是予所切望者是爲序

康德五年 月 日

西豐縣長曹肇元

大業既成... 然而... 不... 而... 管... 斯... 如... 知... 其... 滌... 回... 非... 汝... 誠... 其... 宜... 調... 制... 釐... 求... 昔... 夫... 於... 氣... 之... 豐... 清... 風... 俗... 之... 和...

西豐縣志序

昔孔子慨夏殷之禮無徵乃深咎於杞宋文獻之不足慮周公之教不傳於後乃因魯史以著春秋夫杞宋聖人之裔居中原文教之地尙有無徵之譏魯爲秉禮之邦其朝覲會同之典僅賴春秋以傳若乃兩戒之外髡頭椎髻之倫干戈相尋迭爲更代民不被詩書之澤也舊矣文獻之徵豈易言哉豈易言哉遐考滿洲古代文教之分野塞以內則人文焯爍被服儒雅弦誦之聲不輟地方故實史志多所記載塞以外則弓燥馬肥久習獷悍鄉土典籍闕焉弗講其民族之強非不足爭勝於一時而勃然以興雄才偉畧之主恒間世以出而忽然以滅典章文物隨鋒鏑以俱銷宜乎後

世無傳焉西豐地近舊塞實介此分野之間按之山川形勢歷代治蹟猶有一二可稽者如今東遼河即古南蘇水在漢當屬玄菟郡高句驪縣晉以後沒入高句驪國爲南蘇城地今縣東北之庫嵒訥嶺即古之長嶺在渤海及遼當爲長嶺府境今之扣河亦名大清河金王寂遼東行部志甲戌次叩畏千戶營叩畏漢語清河也是以曲折行山溪之間云云則金之叩畏千戶營當在今縣境扣河沿岸然僅據一二地名之沿革而無事蹟典章之可尋撫拾零簡文足徵乎奉省方志之書今所存者以明嘉靖遼東志爲最古而明之開原鎮北門以外已不列版圖清盛京通志自康熙歷乾隆道光數朝增修分志州縣極詳而舊海龍廳所屬諸縣封錮

爲圍場者二百餘年今設治甫四十載凡年在五十以上者從無
土著之民獻足徵乎於以知聖人所以致慨之由而由今以視將
來則此四十之年可徵可述者志之以昭於後庶以見茲土之招
徠拊循而前賢筆路藍縷之功爲不可沒也斯志創始爲前令銀
岡馮君子安事未及竟而官遷焉繼任者義縣谷君子振擬重修
未果余以康德乙亥冬來宰此邑繼前稿而理之逾年方待觀成
而余又量移來遼越明年戊寅夏今西豐令曹君鼓晨以付梓見
示余既喜此志之有成今而後不憾文獻之不足徵也於是乎序
康德戊寅仲夏

遼陽縣長黃式叙撰

序

西豐縣志序

予本日籍游宦於滿洲於康德四年冬奉省檄蒞西豐副縣長任下車伊始見夫山輝川麗人傑地靈文物之菁華疆域之宏廓其燦爛光明直可於邊塞之區首屈一指惟未刊縣志殊屬缺如也際茲天朗氣清惠風和暢之時與縣長曹公協議於一室始悉西豐縣志已有成稿可稽但以滄桑世變日月遷移政治愈演而愈新人事愈出而愈奇因革損益得失盛衰均與建國以前前後迥乎各異苟不考究澈底剖析分明其有不與維新政治建國精神互相刺謬者幾希矣夫縣志者記一縣之政教風俗地勢方物者也而典章文獻亦在乎其中其關係誠爲重矣故必竭力搜羅

西豐縣志
盡心規畫載於簡策方能百世而下不至湮沒而無徵然猶必新
舊參觀後先互證庶與體例綱要政治沿革彼此有脗合之處出
言貴乎不朽立意在於徵實知新述舊踵事增華以求各適其宜
非必摛藻揚芬粉飾其詞即可謂得縣志之要領者也茲者脫稿
有日將付梓行乃徵序於予予不敏勉贅數言以誌於簡端俾後
之讀此志者披覽之下慨慕流連凡政治之得失文教之盛衰與
滿洲帝國精神之所在無不按圖索解有所遵循而不至槌埴索
途也斯亦幸矣是爲序

康德五年夏五月

西豐縣副縣長田邊登

序

予於戊寅夏奉檄任西豐縣行政科長任重材輕時虞隕越適值西豐縣志書成觀其內容有裨於行政者固多即補助於予之執務者亦復不鮮際茲盛遇畧抒鄙懷溯縣志之由來濫觴於禹貢其後如周官之外史班氏之漢書太史公之史記司馬溫公之通鑑馬端臨之文獻通考莫不提綱絜領分類詳書俾作萬世之矩矱而縣志一書亦猶是也良以縣志者舉凡政治地理之沿革禮教風俗之優劣人物藝文之盛衰物產工商之榮枯旁搜遠紹記載翔實使後之爲民牧者得居今而知古鑑往以開來也豐邑昔係圍場有清封禁三百餘年開闢以來生聚日繁歷任官宰教

養兼施既庶且富雖設治僅三十九載足可與先設各縣齊驅矣
迨新國肇造百廢俱興新政措施悉本王道凡政治之邁進文化
之發展金融之整理交通之便利突飛猛進政績咸熙若不筆之
於書何足以昭掌故而垂來禩前縣長黃公黎雍有鑑於此倡議
興修繼任縣長曹公鼓晨副縣長田邊公繼續監修詳細審正縣
志遂得觀成予以是書爲政教所重乃不揣固陋勉書數語以爲
序

康德戊寅夏

西豐縣行政科長張家相識

西豐縣志序

聖人云文以載道道也者凡天文地理政治文物國家之紀綱人事之儀則無不包括之而範圍之然必紀之以文方可垂諸永久故易象之所繫詩書之所傳春秋之所作禮記樂典之所注是皆以文載道而道乃可垂於萬世而不窮也迨自秦漢以降以迄於今茲世變相尋綱紀靡常而歷代聖君賢相凡欲考興亡之跡溯治亂之原蓋必由徵文考獻而後得之所以太史公之史記班孟堅之漢書司馬溫公之通鑑馬端臨之文獻通考莫不旁搜遠紹別類分門筆之於書以爲萬世之矩矱使後之爲民牧者鑑於古今知乎彼此辨人事之紀考善惡之因補弊起廢以化於家邦此

經史之旨亦其所以爲貴歟體斯意也故晚近以來則代有史事有紀風土有誌雖體例纖巨之不同而其爲用則一也豐邑爲有清帝室狩獵之區於末葉時始開闢設治遠近之民襁負其子而來歸者衆矣以教以養生聚日繁因歷任官宰得人故能政治咸熙民生日厚逮夫滿洲肇建國體更張一切設施日新月異撫今追昔已三十有九年矣其間政事之演變禮俗之更易教育工商之進展山川道路之變遷與夫孝子仁人節婦義士所有事蹟昭然在人耳目者均足以資於今而垂於將來也豈不懿歟茲於戊寅夏促成西豐縣志一書觀其內容雖未若經史之純粹菁華要其廣爲搜羅詳爲紀載亦足以備風土之大觀矣猥以葑菲謬掌

警務素餐五載愧無建樹可言茲幸縣志觀成睹其內容有所裨益於警政者固多有補助於予之職務者亦復不慙然則縣志之功豈淺鮮哉今當付梓索序於予予欣其體徵而效著有通乎文以載道之旨故爲之序

康德戊寅仲夏

西豐縣警務科長袁作魁謹識

西豐縣志序

予奉職西豐謬掌總務四載以還愧乏建樹適縣宰黃公暨參事官梁田公垂念地方文獻欲纂西豐縣志囑予覓請耆儒予遂敦聘瀋邑名宿希君全刪主其事尙未觀成予遽轉任法庫縣行政科長閱時八月事歲欲付剞劂問序於予予維志乘之昉蓋濫觴於尙書禹貢周禮職方洎乎漢代則司馬八書班氏十志皆附庸大國未列專書而梁陳間人所著之三輔皇圖地限區隅圖列宮殿實爲後世志書所取裁至唐李吉甫之元和郡縣志宋樂史之太平寰宇記則搜羅剔抉分門具說規模大備蔚成巨帙元明以來莫之有加矣清章學誠氏對於斯學猶多闡發載筆之士奉爲

圭臬而荒蕪詼譎之說爲之一掃其繼往開來之功殊不可沒也
茲志之作予雖未觀厥成然以黃公之博雅希君之醇至其所採
擇必能軌物斯民裨補政化與前言往哲異禩同輝不佞得附篇
末垂諸不朽此實夙夕欣幸而不能自己者也是爲序

康德五年夏五月

夏 福 陞 識

西豐縣志序

康德四年秋邑侯黃公政務之暇欲纂修縣志聘瀋陽希全刪解
元董其事凡八越月而殺青時公已去繼尹曹公極力襄贊乃告
厥成懿歎盛矣述聞之禮失而求諸野故國史必取裁於方志今
西豐設治雖暫而風土完厚政教修明至於山川之形勝人物之
俊彥產業地質之豐腴方諸中土咸無少遜祇以久闕記載致風
教沒而不彰良可慨已茲覽斯編不第風土文物瞭若指掌而後
之來者亦有以觀其盛焉述不敏度支謬掌獲欽黃曹二公後先
媲美而樂此志之成爰爲之序

康德五年戊寅仲夏

西豐縣志序

西豐縣志於民國時代經前縣長蕭公德潤囑令教育所長張君恩書爲編修主任而邑紳屈君華封陳君錫銓以及各校校長等或任編輯或任採訪無不盡心竭力共襄此舉嗚呼可謂善矣詎編修甫畢而蕭公即去後馮公廣民來宰斯邑翻閱一週見其中之詞意事實似有不實不盡之處故又延聘開原名宿褚君冠英修飾而潤色之經四閱月而告厥完成奈未付手民而馮公又調任錦縣嗣黃公式叙繼任於斯與參事官梁田正次郎公目擊之餘謂省轄各縣皆有縣志之刊行獨我西豐何可缺然而不作爰於康德四年十月一日特立編修專館延聘編修專員秉筆直書

以補前此之未逮不亦法良而意美哉不意修未及半而黃公即移篆遼陽厥後參事官亦調任富錦繼其任者縣長爲曹公肇元副縣長爲田邊登公榮任之初即具熱心於縣志以爲志乘一書貴求實際寧可從容以將事慎勿匆迫以圖功故多需時日始得竣其事焉夫志者記也蓋謂筆之於書而不忘也且志之爲義由來尙矣考諸往古周官外史掌四方之志班固漢書備列十志他如左邱明因經作傳傳者記事之書也名雖爲傳其意蓋近乎志延及漢武之世司馬氏有史記一書史記者亦記事之書也名雖爲史其意亦同乎志厥後郡有郡志縣有縣志蓋以一縣之中有山川則應志其險夷有道路則應志其要隘有人丁財賦則應志

其登耗盈虛有風俗人情則應志其純疵厚薄條分縷析綱舉目
張一縣之菁華咸登於志其關係誠爲重矣豈僅徵文考獻觀風
詢俗即可謂縣志也哉雖然縣之有志與國之有史其名稱雖異
其意義則同苟非良史之才焉能勝任而愉快如廉也筆墨荒蕪
學殖譴陋遽承斯命何敢率爾操觚但以敦促再三堅不容辭遂
於六閱月餘勉強以葺其所事因先前原稿參此日新知酌重權
輕區分目錄排成次第朗若列眉分爲六編都爲二十四卷而一
卷之中間或有附一二品與六七品者故名雖二十四卷其實有
六七十卷之數校讐既畢付梓印行但其中之詞句參差意義舛
謬與事實之或詳或畧考據之或是或非必不能盡屬翔實而無

少缺憾所賴後之君子讀此志者指而示之就而正之庶幾救弊
補偏以歸於完善此實廉所殷殷而最爲希冀者也於是乎序

康德五年夏五月

希
廉
識

外六國... 志者指而示之就而正之庶幾救弊
補偏以歸於完善此實廉所殷殷而最爲希冀者也於是乎序
康德五年夏五月
希廉識

序

修縣志難修西豐縣志則尤難其故何哉蓋以西豐縣志雖有舊稿可稽但是日月遞遷風雲屢變歲逾數載而一切文物政治保能無後先遷變之時况滿洲肇建國體更新百廢俱興庶政畢舉因革損益蕃變紛紜以一二人之知能括事機之煩劇縱聰明睿智亦難明若觀火洞悉而無遺當夫寄居公室對坐潛修眼界既未擴充心思亦復錮蔽案頭伏首秉筆直書其於大綱小紀萬緒千端能無有顧此失彼之虞跋前疐後之慮耶夫縣志一書貴求實際一政治也必考求其得失一人事也必辨明其眞僞他如人丁財賦風俗民情或登耗盈虛或純疵厚薄罔弗循名覈實以求

各適其宜惟以採訪無人考察乏術僅即耳目之所得取以爲登載之資其紕繆遺漏之處必難倖免語曰閉戶造車出外未必合轍此二言也洵可以爲予咏之矧學殖淺陋筆墨荒蕪加以耄老年華精神昏瞶忝膺斯役不日夜兢兢不寒而慄乎所幸周君雨亭義縣人也以老儒之學識兼能吏之才華竭慮殫精力襄其事獨能析疑辨難考是知非庶幾救弊補偏彌縫罅漏非惟多資贊助且可底於成功其裨益不亦良多乎茲者殺青有日將付梓行勉爲數言發明困難非飾詞也蓋紀實也質諸大雅其必有以諒我矣

康德五年夏月

希

廉又識

西豐縣纂修縣志始末記

西豐原係圍荒有清一代封禁三百餘年古績湮沒文獻無徵每欲編纂志書苦無事料可采雖有邑紳韓君英奇著鄉土志畧一冊然其內容僅記警學團練等事全書十餘頁簡畧已極只可爲歷史上一部分之參考而已至民國十三年有紳耆楊君新民以西豐設治二十餘年豈可無志乘之書以傳之異世爰聯合呈請縣署設法編修曾蒙 縣宰蕭公核準通令各法團訪集材料經二年之久卒以未籌經費負責無人事遂寢止迨民國十五年省政府通飭各縣一律修志 蕭公乃招集地方紳民會議結果決定二種辦法一由各界首領分頭募款一由 縣長蕭公聘主

纂專員事延數月勸募之款僅得奉洋二千八百餘元而擬聘之人卒未果至 蕭公復招集會議僉以修志之舉勢難再緩遂公推熱心公益之教育局長張君羽田出任督纂彼雖再四辭却終以衆意難違乃允所求並公舉邑紳王君敬時及各學校長分任草纂而縣志編修處於焉以立詎料開辦甫三閱月募集之款支用一空分任各員草稿尙未編就而積欠僱員之薪金雖張君解私囊以接濟之然杯水車薪終難維持編修處亦即無形解散矣及民國十七年春張君鑒於己身爲公務所絆學校人員各有專責皆不暇兼任他事以致縣志未能及時修成自謂有負地方所託時深愧悚遂呈請 蕭縣長準給短假三月獨居私第專心修

編而加聘王君敬時朱君鳳陽分別助纂自是張君晝則處理教
育文件夜則執筆纂輯秉燭達旦亦云勞矣時經二月之久按原
定之四卷已成其半約再待兩月而全稿可脫不意張君遽遭求
全之毀與縣長 蕭公先後解職坐困園里未免灰心而修志之
事乃又停頓迄民國十九年春 馮公子安來宰斯土因與張君
有舊知其編纂多日仍促進行張君以公私皆不容辭復爲擔任
未及兩月即底於成惟張君素性謙謹凡事不敢自信 馮公作
事緻密萬端不厭求詳遂相約復請開原士紳褚君健伯再爲修
改甫及三月即行告竣而 馮公仍恐有誤更囑元仲兩人切實刪
潤元仲學識譴陋詎敢應命特以既允校閱於先則難辭刪定於後

勢不得不勉強從事妄爲增減雖足添畫蛇亦所不避復歷月餘
乃始蒞事查此縣志著經多人時閱數載其間作而復輟者屢矣
不知幾費經營始得編纂成帙俗云創始維艱睹此乃益信焉幸
我 馮公鼎力督辦始終不懈行將殺青付之剞劂雖不敢與遼
瀋鐵關先進諸縣之志相媲美然旁搜博采巨細靡遺集思廣益
不無一得亦可作志書之張本開文化之先河矣謹述巔末以爲
之記

教養工廠廠長屈克伸

市政科科長陳天元

序

史冊采志乘之精華集以成編故志乘者乃史冊之本原也苟無志乘則一國之士物人情社會狀況將概行湮沒矣西豐設治雖未經久然自開闢以來已歷卅餘春秋回憶從前之經過有非後進所能想像者不有志乘以登載之將來於一切歷史何所考鑑耶縣長蕭公有見及此乃囑勸學所長張君羽田編修縣志又囑王君羲臣與陽也贊助之陽以學識疎陋不敢稍參末議辭公乃勉之曰予所勸修之本旨不矜詞藻不尚粉飾惟逐事考詳而已陽始勉爲其難忝就編輯之列與王君領修全篇之半各自搜求互相參考夙夜不遑者三閱月而事竣篇中或有缺漏經張君羽

田增益之始得成此半篇其他半篇歸學界諸君擔修不意學界人員各有日服之職務不暇兼理致未得如期報竣當此文明進化時代景物之變遷過於風雲人事之推移遠邁疇昔停修年餘後來增進事項之應誌者又復不少馮公繼長斯縣恐積久材料散失也又囑張君集合從前纂修之人以完成此篇斯時王君遠就不能歸來惟陽也在城義不容辭因同張君采訪搜求積兩月而成全編既竣陽不禁喟然歎曰幸西豐而有志也幸西豐志中之事項不遠遜於他縣之志也夫設治僅數十年而數典徵獻尙能彙成篇幅若復數百年則山川靈氣所鍾降申生甫不將遠邁於他縣乎望接踵續修者有以增斯志之光焉可耳

朱鳳陽識

序

西豐於古無志予於民國十三年春來宰斯邑下車而後詳查地方政教之實況及物產之豐盈與夫民風之樸厚皆可筆之於書而垂爲後世典型於是遂發修志之志願焉適值地方士紳屈君克伸等以縣志爲當今急務聯合呈請開館編纂予以彼此意見不謀而同合力舉辦殊當易易遂招集各法團會議決定令由各區長各校長等勸募款項采訪事料並由予函聘洮南檢察廳之同仁某君担任編輯衆謀僉同分別進行不意數月後所募之款雖畧有成數而所聘之人終不果來正擬另聘他人之際忽奉省署通令各縣一律修志於是地方自動興辦之事一變而入於

政治之範圍其進行當更不容稍緩矣惟此時園法奇荒前募之款行將用罄而各界調查尙無隻字報到若非另行籌畫殊難收效遂又招集會議共推教育局長張恩書爲督纂電話局長屈克仲苗圃主任陳天元爲校定其他助編人員由張局長擇優自聘因無的款各盡義務迭爲勸勉望速告成焉不意數經寒暑頻遭挫折其間之或作或輟者屢矣及修至全書之半予與張局長先後解職以致中途停頓功虧一簣殊可慨已夫天下事必先有以啓之而後乃可以成之若此志乘雛形已具不難裁就願繼任斯縣者與編修諸君賡續完成全此大業以竟予志是則予所切望而不能一日釋也爰以爲序

前任縣長蕭德潤識

序

縣志一書人皆以爲一縣之史乘故作者恆以史記體例出之而猶喜以文字取勝夫縣志之爲史與文字之必求典麗固也然志之與史似同而實異今體與古體更不能混淆蓋史之記載重在政而猶在人其大體皆以人爲經以事爲緯若志之所采凡天文地理政法人文物產實業以及社會民生諸狀況凡經史子集與夫哲學科學之意旨無不包而有之其範圍之廣較諸純粹史書迴乎不相侔也予於奉令編修縣志之初常與同人探討以爲昔人作志專重史料殊失志書之本旨故擬力避前人窠臼而以史地人文爲綱參以科學組織如社會現象人民生活經濟變遷勞

西豐縣志
動狀況與資產階級之調劑工商失敗之原因悉考究而詳列之
以期將今日之事介紹於將來後之閱者視爲史乘也可視爲一
種學科也亦無不可惜乎予知識譴陋有是意而無是文與筆以
達之茲以志稿既成故畧述予對修志之感想然乎否乎尙祈達
人碩士有以教之

張 恩 書 識

纂修西豐縣志序

西豐縣係前清封禁圍場西流之一部由光緒二十三年開放距今不過三十六年二十八年設治距今僅三十一年中經世界風雲天人災禍加以國體屢更政教遞變而豐邑治安未擾發達無阻以三十年前荒蕪之區今已物阜民殷有逾他縣矣予世居開原由開城東北行三十里至威遠堡門外即接西豐縣境當西流圍荒初放時予家曾領地兩方坐落山音哈達圍設治後屬西豐縣北境光緒三十四年以後每年冬季收租予必往來二三次或經艾辛溝逾徐炮手嶺過黃柏榆至地所或經石人溝逾太平嶺及平岡至地所宣統二年春因地鄰蘇姓侵佔地界予與興訟彼

西豐縣志
二十二
時豐邑師資缺乏教育不振全縣初小僅十三校高小只城內一校前師中校長張君化南亦開原籍予故友也方充高小教員兼管理員予往見述來意張君謂予曰地土訟案經年累月不能決豐校算學缺席如肯俯就薪金雖薄猶愈於住店予感其厚意遂入校任職蘇姓聞之煩人央懇勿訟將所佔地退還予從此遂淹留豐邑焉是年冬襄助張君創設師範學校充教員兼學監民國二年附設中學成立改充教務主任七年夏張君積勞病故予接任校長至十二年春始去職離豐予之履斯土者不過八九年耳聞於民國十三年時豐邑士紳屈君華封等請編縣志前縣長蕭公即通令搜集材料十五年又奉省令催修遂設立縣志編修處

無如經濟不充未收成效十七年省令催迫綦嚴蕭公子前教育局長張羽田專假修志更聘王君羲臣朱君子儀分任編輯詎脫稿未半又復停頓十九年春縣長馮公急欲觀成商之張羽田與朱子儀完成全稿乃馮公猶未滿意二十年秋又商之屈華封陳錫銓姚綬宸等另聘人纂修僉稱予留豐年久於地方掌故風土人情知之必悉馮公素識予亦謂能勝其任於是再三相邀予辭不獲已勉強來豐展閱原稿見其文詞頗暢事實亦詳似無庸筆削僅博訪周諮參以見聞所及補其缺正其誤刪其繁複至於體例篇目大致多仍其舊凡四閱月而蕝事如此塞責殊負官紳相邀雅意然以予之儉腹拙筆技止於此且因無專人調查材料不

充補缺而缺不免正誤而誤仍多惟望閱者有以教之則幸甚

民國二十一年一月

龍岡褚冠英謹誌

（此處文字極為模糊，疑似為碑文或墓誌銘的正文，內容難以辨識。可見文字包括“未子... 諸... 願... 願... 願...”等字樣。）

序

民國戊辰夏西豐縣監督蕭公德潤奉省令編修縣志時也謬蒙
推薦屢辭弗獲乃忝居末席分擔門類三閱月而所任者歲事客
有前致詞曰先生以花甲之年當溽暑之天斗室兀坐日從事於
徵文考獻雖汗流浹背而不辭夫亦未免過勞矣顧吾聞之太上
有立德其次有立功其次有立言是之謂三不朽今先生耄老加
勞爲西豐編輯縣志是立言於西豐矣尙慮與草木同朽歟在昔
博物志出而張茂先之名傳人物志出而毛西河之名著茲先生
踵事增華所任告成庶不朽矣乎敢爲先生賀時不覺瞿然起立
曰如子所言適增予愧惡乎賀夫古之所謂立言者詞出爲經言

西豐縣志
足爲法及發爲文章適足載道德而垂奕禩今所輯縣志詞旨讜
陋體例乖違方且慮爲人所詬病烏有所謂不朽者在耶且古人
著作常謂才學識三長不備不得從事於紀載時也才智短淺有
同襪綫學業平常自慚負腹識見庸愚不異窺豹今以登編輯之
席是殆猶南郭之濫竽聊以備數焉耳烏有所謂不朽者在耶况
西豐縣境昔隸荒夷久缺文獻開闢卅年遺黎有幾即以人物一
門而論彼遼金前代孰無此土而三萬衛之名又獨標於明季乃
其人物之隸吾縣者某也應傳某也應載現皆無從考鏡僅據耳
目之所見聞借以敷衍了事撫躬自問有內愧腹儉而已烏有所
謂不朽者在也客曰古今之時勢不一斯古今立言之道亦不一

縣志之編輯固不同乎名山著作然而分門別類屬事比詞何一非文言所成立先生特卑以自牧耳言之朽不朽不可以若是其亟也且有同人共同編輯將來附驥尾而名亦彰况分擔門類明明在立言之實在耶先生何太謙爲客退引編自閱愈覺疵謬百出令人愧汗念執此以示人恐猶不可違敢論其朽與不朽客實愧我而笑我者也惟是時屆告成悔無可追所冀後之覽斯編者展卷而多所匡正則易朽之言庶乎其不朽焉耳

熹晨王敬時序於西豐圖書館

序

粵稽周禮春官小史掌邦國之志外史掌四方之志是志爲史之支流史即志之粉本也夫國無史乘典章無自流傳縣無志書文物於焉澌滅是國不可無史縣不可無志也明矣西豐地屬園荒闢田設縣官斯土者矢志簿書日勞形於案牘存心政治恆執掌於官書一言縣志每無暇顧及迨興京蕭公德潤鐵嶺馮公廣民相繼來宰斯邑均視編修縣志爲不可緩之要圖以爲商務發達可號繁華之境人湮稠密堪稱富庶之區園分三十七阡陌縱橫村名百二十屋宇櫛比無簡編以記載之恐千百年後直等諸無何有之鄉矣悔何及焉爰約文人學士分任纂修兵刑錢穀無史

西豐縣志
乘可稽者則按卷宗以指陳人物山河無掌故足徵者則訪野老
而問訊未幾書成予以校閱資格尋繹數過或史筆紛披包羅萬
象或勁氣直達孕育羣倫於是孝子節婦向之泯滅無傳者今則
津津樂道焉義士忠臣向之湮沒不彰者今則嘖嘖稱羨焉臨風
展讀不覺精神爲之振奮洵不愧我豐之信史也惟望後之撰著
者踵事增華當本此爲模範然則創修之縣志不可謂無小補也
哉

華封屈克伸序於西豐縣電話局

序

余不才且亦無學苦於爲文久矣謬蒙 縣長蕭公馮公先後囑
校縣志聞命之下且喜且懼愧不敢當所喜者以西豐之莽莽荒
陲今得徵集文獻誠千古幸事所懼者我豐宿儒碩彥不乏其人
如纂修縣志諸君子皆望塵莫及觀其所著志書富麗精詳莫贊
一詞何敢以校訂爲旣而思之今日世界之文明無不出自昔日
之草昧今之文明不以昔之草昧而阻沒昔之草昧乃以今之文
明而流傳由此推之今日我豐之山川草木鳥獸蟲魚以及文化
典型風尚習俗將應世界潮流之趨向隨時而進化志書必因之
增纂改訂亦歲異而月不同將來文物騰輝山河煥彩寧有止境

乎然則予今之校訂添糞於如來之頂點斑於西子之面是亦草
味之沿流而已夫何掩瑜之有哉用是愧而為之序

錫銓陳天元序於縣署市政科辦公室

刊

序

民國十九年春張君羽田纂西豐縣志既成自恐二三人之知識才力調查或有未周編輯或有未合於是以其草稿俾各界人士共同討論予以得窺全豹焉夫縣志之書多矣從未有若張君所修之志體從舊而事從新獨能於社會民生及新政建設諸大端特別詳盡若非別具隻眼何可臻此他如搜羅萬有巨細無遺條分縷析綱目井然猶其餘事耳予愧服務醫界未得躬助盛舉謹識數語畧表對於此志之感想云

郭靖邦序於西豐醫院

西豐縣志卷首目錄

葆省長序

竹內省次長題詞

王民生廳長序

曹實業廳長題詞

曹縣長序

黃縣長序

田邊副縣長序

張科長序

張科長序

袁科長序

夏科長序

原修縣志序

現修縣志序

曹縣長玉照

黃縣長玉照

田邊副縣長玉照

梁田參事官玉照

大塚科長玉照

張科長玉照

袁科長玉照

張科長玉照

現修縣志人員合影

西豐縣署廳舍寫真

西豐公園寫真

西豐公園紀念碑寫真

西豐文廟寫真

馮縣長德政碑寫真

西豐義倉寫真

西豐縣開豐車站寫真

西豐神樹碑廟全景寫真

西豐神樹清碑寫真

西豐大營村馬神廟寫真

西豐城子山古城全景寫真

圖三

西豐城北山猴石寫真

西豐官立醫院寫真

西豐縣立圖書館寫真

西豐城廂警察署寫真

西豐農民修練所寫真

西豐縣立濟善堂寫真

圖二

西豐電報局寫真

西豐商會寫真

建國宣言

即位詔書

回鑾訓民詔書

例言

原修縣志人員題名錄

現修縣志人員題名錄

西豐縣地域全圖

西豐縣街市全圖

西豐縣署平面圖

西豐縣立濟善堂平面圖

西豐縣署平面圖
西豐縣立濟善堂平面圖

滿洲國建國宣言

想我滿蒙各地屬在邊陲開國綿遠徵諸往籍分併可稽地質膏腴民風樸茂迨經開放生聚日繁物產豐饒實爲奧府乃自辛亥革命共和國成立以來東省軍閥乘中原變亂之機攫取政權據三省爲己有貔貅相繼竟將廿年很利貪婪驕奢淫佚罔顧民生之休戚一惟私利之是圖內則暴斂橫徵恣意揮霍以致幣制紊亂百業彫零且復時逞野心進兵關內擾害地方傷殘民命一再敗衄猶不悛悔外則曠棄信義開釁鄰邦悉昧親仁之規專取排外爲事加以警政不修盜匪橫行徧於四境所至擄掠焚殺村里一空老弱溝壑餓莩載途以我滿蒙三千萬之民衆託命於此

殘暴無法區域之內待死而已何能自脫今者幸假手鄰師驅茲醜類舉積年軍閥盤踞秕政萃聚之地一旦廓而清之此天子我滿蒙之民蘇息之良機吾人所當奮然興起邁往無前以圖更始者耳惟是內顧中原自改革以還初則羣雄角逐爭戰頻年近則一黨專橫把持國政何曰民生實置於死何曰民權惟利是專何曰民族但知有黨既曰天下爲公又曰以黨治國矛盾乖謬自欺欺人種種詐僞不勝究詰比來內鬩迭起疆土分崩黨且不能自存國何能顧於是赤匪橫行災祲洊告毒痛海內民怨沸騰無不痛心疾首於政體之不良而追思曩昔政治清明之會直如唐虞三代之遠不可幾及此我各友邦共所目睹而同深感歎者也夫

以二十年試驗所得其結果一至於此亦可廢然返矣乃猶諱疾
忌醫怙其舊惡藉詞民意從新未可遏抑然則縱其所之非浸至
於共產以自陷於亡國滅種之地而不已今我滿蒙民衆以天賦
之機緣而不力求振拔以自脫於政治萬惡國家範圍之外勢必
載胥及溺同歸於盡而已數月來幾經集合奉天吉林黑龍江熱
河東省特別區蒙古各盟旗官紳士民詳加研討意致已趨一致
以爲爲政不取多言只視實行何如政體不分何等只以安集爲
主滿蒙舊時本另爲一國今以時局之必要不能不自謀樹立應
即以三千萬民衆之意向即日宣告與中華民國脫離關係創立
滿洲國茲特將建設綱要昭布中外咸使聞知竊維政本於道道

本於天新國家建設之旨一以順天安民爲主施政必徇真正之民意不容私見之或存凡在新國家領土之內居住者皆無種族之歧視尊卑之分別除原有之漢族滿族蒙族及日本朝鮮各族之外即其他國人願長久住留者亦得享平等之待遇保障其應得之權利不使其有絲毫之侵損並竭力鏟除往日黑暗之政治求法律之改良勵行地方自治廣收人才登用賢俊獎勵實業統一金融開闢富源維持生計調練警兵肅清匪禍更進而言教育之普及則當惟禮教之是崇實行王道主義必使境內一切民族熙熙皞皞如登春台保東亞永久之光榮爲世界政治之模型其對外政策則尊重信義力求親睦凡國際間舊有之通例無不敬

謹遵守其中華民國以前與各國所定條約債務之屬於滿蒙新
國家領土以內者皆照國際慣例繼續承認其有自願投資於我
新國境內創興商業開拓利源無論何國一律歡迎以達門戶開
放機會均等之實際以上宣布各節爲新國家立國之主要大綱
自新國家成立之日起即當由新組之政府負其責任以極誠懇
之表示向三千萬民衆之前宣誓實行天地照鑒無渝此言

大同元年三月一日

本朝更新國號建國之旨一以順天表民為主務教忠尚禮運之
 德意不容私見之說存凡在新朝家編土之內皆往者皆無種本
 之故禮尊卑之分別除原有之漢族滿族蒙族及日本朝鮮合族
 大同元季三氏一曰長久住留者亦歸漢等之俗通稱漢族
 如走不南三五萬里來之南宜營實漢天賦疆界無雜其言以治
 自漢國定如立家所以明常由漢賦之如禁漢家產益以對贈禮
 此舉會由善文運到以上宜而合商漢滿國有萬國以正契大關
 漢國最內險要商業開闢時節誠誠誠誠誠誠誠誠誠誠誠誠誠
 國東商其以內各商開闢開闢開闢開闢開闢開闢開闢開闢開
 商其其其中華為國以商與各國商或商或商或商或商或商或商

即位詔書

奉天承運皇帝詔曰

我國肇基國號滿洲於茲二年原天意之愛民賴友邦之仗義其始凶殘肆虐安忍阻兵無辜籲天莫能自振而日本帝國冒羣疑而不避犯衆咎而弗辭事等解懸功同援溺朕以藐躬乃承天眷假我尺柄授我丘民流亡漸集興其謳歌兵氣潛消化爲日月夫皇天無親惟德是輔而生民有欲無主乃亂籲請正位詢謀僉同敢不敬承天命其以大同三年三月一日即皇帝位改爲康德元年仍用滿洲國號協力同心以期永固凡統治綱要成立約章一如其舊國中人民種族各異從此推心置腹利害與共或渝此言

有如皦日無替朕命咸使聞知

御名御璽

康德元年三月一日

康德五年五月恭錄

... 而小鐵... 康德元年... 康德五年... 康德元年三月一日... 康德五年五月恭錄... 康德元年... 康德五年... 康德元年三月一日... 康德五年五月恭錄... 康德元年... 康德五年... 康德元年三月一日... 康德五年五月恭錄...

御名御璽

訪日回鑾訓民詔書

朕自登極以來亟思躬訪日本皇室修睦聯歡以伸積慕今次東渡宿願克遂日本皇室懇切相待備極優隆其臣民熱誠迎送亦無不殫竭禮敬衷懷銘刻殊不能忘深維我國建立以逮今茲皆賴友邦之仗義盡力以奠丕基茲幸親致誠悃復加意觀察知其政本所立在乎仁愛教本所重在乎忠孝民心之尊君親上如天如地莫不忠勇奉公誠意爲國故能安內攘外講信恤鄰以維持萬世一系之皇統朕今躬接其上下咸以至誠相結氣同道合依賴不渝朕與日本天皇陛下精神如一體爾衆庶等更當仰體此意與友邦一德一心以奠定兩國永久之基礎發揚東方道德之

西豐縣志
卷首
萬禩欽此
眞義則大局和平人類福祉必可致也凡我臣民務遵朕旨以垂

萬禩欽此

御名御璽

康德二年五月二日

康德五年五月恭錄

無不戰戰兢兢
知自登遐以來
滿日回鑾願以

西豐縣志

例言

一西豐疆域於古難考其詳茲編所載僅就盛京通志吉林山川卷中按其所載山河之距離與現在境內山川之名稱參酌定之錯謬之處必不能免

一西豐境內山川之名稱半係未開闢時所定盛京通志所載是也半係開闢後所定故漢語滿蒙語兼有之茲均按實載列不加改易

一分星分野自古而然而氣候晷刻原以省度爲準是編所列凡氣候之寒暖晷刻之出沒僅就地理度數距離以測量之

一城池公廨本爲保衛人民辦理政治之設故必求堅固宏壯方足以資守禦而壯觀瞻茲編所載凡縣城之由土圍而石堤而石垣經幾次變遷皆詳細備載至各項公廨其名稱之改易地址之遷移亦按次序而登載之以備後日之參考

一西豐開闢年限無多考其初時本爲前清之鮮圍場地帶山深林密禽獸縱橫固無所謂古蹟名勝也然而神樹清碑山城戰跡瀧河秋月猴石春陰景色清幽遺形昭著探尋之下實不一而足會心人當此殊足以賞心悅目徘徊而不能去也茲編所載凡一草一木一石其形跡特殊可以以古蹟名勝目之者悉數載之而無遺俾文人騷士遷客流人當風清月朗之時或對

此而高吟或以之而考古其有益於我邦人士誠非淺鮮也

一豐邑當丈放地畝時僅丈放土田並未丈放村基以故民戶零星距離太遠甚不便於守望也建國後當道者有見於此故價買民地於適中地點畫成村基令散居之民集於一處以取守望相助之義而實行之此誠便民保民之一大要道也故將區村計畫詳細志之

一自古帝王之行政也每假諸神道以補政教之不足歷代皆然不可易也豐邑僻在邊隅開化較晚一般民衆之所靈於鬼神者各地皆是或禱病或祈雨凡有所求神必應之無論城鎮鄉僻之地皆建廟祀神成爲定例故編中悉數載之而無或遺漏

西豐縣志
一西豐之地山水清奇毓秀鍾靈而人才於是出焉或游宦於政界之中或游宦於軍界之內踴躍濟濟大有其人茲故登而記之以爲後起者之觀望焉

一西豐僻處邊隅開化較晚而被選人士從無多人故茲編所載凡於國內專門學校畢業或留學東洋畢業者均採而登之非濫取也蓋藉以副選舉之意焉爾

一一鄉之善士斯友一鄉之善士所謂友者必其人之道德言行足以爲一鄉之人所取法者方能友一鄉之人也然則善士之關係良非淺鮮故採取一二人之可稱爲善士者表而出之以爲後世之模型焉

一語云孝爲人生之本又云孝爲百行之先是孝之於人誠爲重且大矣故編中所列目錄特將孝義表明之蓋其意即取乎此也

一事之有益於國有益於家與有益於人者若能強毅勇爲毫無吝色以期其成功而後已竭盡精力不顧也消耗金錢不恤也若此者乃謂之義舉如漢之卜式輸財助邊者是已然求之今世實難其人故編中所列凡其所行可名之爲義舉者皆採入之事之大小人之貴賤皆無足論也

一節烈二字出於男子則易出於女子則難故劉向作傳將古今節烈女子彙集於一處而以列女傳名書即此意也豐邑開化

西豐縣志
較晚教澤未深而女子受教育者更不可多得節烈云乎哉豈
知生人之性皆天地正氣所鍾雖山深林密之區僻壤窮鄉之
地亦不能無其人焉茲編所載由採訪所得而鄭重書之以爲
端風化者有所得焉

一政治潮流隨時更易所以有繁簡輕重之不同西豐當設治之
初人民稀少一切政治固從簡畧及歷年已久生聚日繁行政
治民日趨於煩重變通改革勢所必然自建國以還政治刷新
舊日之設施多不適用於然其間之因革損益不能無今昔比
較之觀茲故統前後而悉載之以資參考焉

一縣之職官雖頭銜有高下之分然皆爲親民而設若某々欽

差某々省憲本不爲直轄之機關但以當開闢之時或奏請於前或清丈於後與豐邑皆有重要關係故採入之

一自科舉停而學校立一般人才皆出於學校之中是教育之關係不爲不重豐邑當設治之始即知教育之攸關無論縣城與區村凡所應立之學校罔不盡力提倡以有今日之現象然其間設備經營亦大費心力茲編所載將前後一切經過詳細記之以作後日之參考

一一縣所出之財賦爲辦理一縣政治之所需其關係不爲不重故編中所載凡工商雜捐田園各賦均分清項目詳細登載俾經理財政者有所遵循以期政治之向上

一盜賊之禍徧地蔓延搶掠焚殺何以能安居樂業故有守土之責者必使一律肅清方可以保人民而靖地面况西豐僻處邊陲盜賊多有疎於防範而危禍時生茲故將已往兵匪之擾害人民及地方者歷歷舉之以爲後日之警戒

一警察之設自始立以迄於今日大概有損而無增蓋以建國之後政治人民皆入於軌道非若前日之野蠻也然其間之因革損益已歷多年不可不分別記之以資考核焉

一境內居民大抵皆自他處遷移者雖籍貫不同種族互異然編中所載悉攔入之蓋取親善之意云爾

一豐邑居民皆由四方遷入風俗禮儀固自不同但擇其善者而

錄之蓋以禮俗之關於風化者重有如此也况今日社會號稱文明蠻野之風消滅已盡本編所記原本潛移默化之心俾山林蠻野之人皆變爲文質彬彬之士庶使我三千萬民衆咸立足於東亞文化之場斯爲美也

一近世以來信教自由而國家從不干涉者以宗教之有益於人也且可以補政令之不足涵濡日久薰染日深改惡爲善化莠爲良較之刑驅勢迫其效力爲最大也茲將各項宗教盡數載之以引起人民信教之趨向焉

一我國自古注重實業蓋以實業爲人民衣食之本原故也今科學家起區實業爲正副之別正業者農業也副業者即養蜂養

蠶畜牧牛羊是也究之皆爲人民養生之要道而不可一日離也茲故詳細記之以爲人民之不重實業者作一引綫焉

一 天地鍾毓之氣非惟賦之於人且亦賦之於物若徒有其人而無其物則人之生活即無所資矣故天既生是人即生是物以供給之然猶必開發之採取之而後物之利乃見而人之生活以全故編中所列將境內動植礦各物詳細載之以供人民之取用焉

一 魏文帝有言文章者乃治國之盛事不朽之大業觀此二言知文章之關係於國家洵非淺鮮故自古迄今凡有國家者莫不注重文章焉况文章高尚者而國之政治必高尚文章卑下者

而國之政治亦卑下然則文章與國家關係之重又如此茲故列爲一編以資參考焉

一凡碑銘傳記諸作必其人之德行道藝高出尋常萬萬者而後文人墨客形諸筆墨以揭揚之非惟獨重其人蓋欲藉此以警告社會也西豐開闢較遲教育未普而一般民衆失學者多遑論德行道藝哉故編中所載之文凡有關於德行道藝者皆採取而錄之非誇多鬪靡蓋以此爲人民之矜式已耳

一讀十五國風可以知各國之風俗習尚是詩之爲用深且明矣至一國之政治隆汙一人之德行美惡亦無不可於詩中表明之然則詩之有益於社會不又至深且大乎若夫風人騷士弄

西豐縣志
月吟風賞柳玩花爲一時逸情之作雖無關於國家社會世道人心然而遣興釋懷消愁解悶是亦有益而無損也凡此諸作悉採而登之一可以觀風問俗一可以得風人旨趣
一社會神話本不足經談諧之言又無可據但其中之事實意義有可令人生警戒心亦有令人生喜悅心者一可作如來說法一可爲淳于解紛其有益於世道人心雖不若聖經賢傳然而告戒之意新奇之語其入人之深感人之切其功效之速恐聖經賢傳猶不若此之痛且快也茲將境內所有之神話奇談皆羅致之以載於編中其意蓋取乎此也又何虛實之可據云

前編修縣志職員姓名錄

修監

前任西豐縣縣長

蕭德潤

前任西豐縣縣長

馮廣民

總纂

前西豐縣教育局長

張恩書

前西豐縣立師中校長優附生

褚冠英

編輯

前西豐縣立師中校國文教員附生

王敬時

前西豐縣立圖書館館員

朱鳳陽

分修

前西豐縣立師中校博物教員

張永祺

前西豐縣立女子師中校長

宋肇殷

校定

前西豐縣政府第三科科长

陳天元

前西豐縣教養工廠廠長

屈克仲

採訪

前西豐縣教育局長

高鳳翰

前西豐縣教育局課長

程慶第

前西豐縣教育局課員

劉宗漢

前西豐縣教育委員
前西豐縣教育委員
前西豐縣教育委員
前西豐縣教育委員
前西豐縣教育委員
前西豐縣教育委員
前西豐縣教育委員
前西豐縣教育委員
前西豐縣教育委員會會長
前西豐縣教育委員會
前西豐縣教育委員會
前西豐縣立師中校校長
前西豐縣立女師中校教員

吳宗策
韓宗芳
呂正國
徐寶璠
李秀林
馮佐卿
劉成業
周立民
徐彬
林樹棻

前西豐縣電話局局長

姚廷椿

前西豐縣農會會長

邵廣義

前西豐縣農會會長

趙連仲

前西豐醫院院長

郭靖邦

前西豐市政會主任

才振寰

前遼中縣縣長邑人

徐維淮

前西豐縣政府第一科科长

尙其萃

前西豐縣政府第二科科长

孫萬善

前西豐縣政府科長

梁國棟

西豐縣商會會長

劉錫侯

西豐縣商會副會長

佟樹三

前西豐縣商會會長

夏萬明

前西豐縣農會會長

周尙文

前西豐縣農會會長

張東閣

前西豐縣教育委員

張經魁

前西豐縣立師中校教員

楊新民

邑紳

屈貢南

西豐縣第一區立第一小學校長

趙文若

前奉天省議會議員

楊華山

前西豐第一區區長

張巨川

前	前	前	前	前	前	前	前	前	前
西	西	西	西	西	西	西	西	西	西
豐	豐	豐	豐	豐	豐	豐	豐	豐	豐
六	六	六	五	五	四	四	三	二	二
區	區	區	區	區	區	區	區	區	區
區	區	區	區	區	區	區	區	區	區
長	長	長	長	長	長	長	長	長	長

劉振鐸	呂安仁	榮春芳	劉萬箱	王振茲	李夢爽	曲允中	卜英麟	劉桂秩	陳文業
-----	-----	-----	-----	-----	-----	-----	-----	-----	-----

前西豐六區區長

崔鳳書

前西豐七區區長

王選英

前西豐八區區長

武興周

謄錄

前西豐教育局課員

趙玉純

前黑龍江財政廳科員鐵嶺

汪潤序

繪圖

前西豐自治研究所所長

曲允中

邑人

曲文賢

前金川縣設治繪圖員鐵嶺

汪潤序

補修西豐縣職員姓名錄

監修

前任西豐縣縣長

前任西豐縣參事官

現任西豐縣縣長

現任西豐縣副縣長

總纂

前清光緒甲午恩正並科舉人

事務員兼編輯

繪圖

西豐縣立圖書館館長

黃式叙

梁田正次郎

曹肇元

田邊登

希廉

周作霖

蒲文珊